

玉

海

三十八

玉海卷第七十六

浚儀王應麟伯厚甫

禮儀

耕藉

武王耕藉

樂記武王

云云

耕藉然後諸侯知所以敬五者天下

之大教也注藉田也

周王藉

禮甸師

下士一人府一人胥三十人徒二百人

掌帥其屬而耕耨王藉

以時入之以其盥盛注王以孟春躬耕帝藉疏藉田

之穀眾神皆用獨言帝藉舉尊言之 內宰上春詔
王后帥六宮而生種稑之種獻之于王注古者使后
宮藏種以其有傳類蕃孳之祥必生而獻之示能育
之使不傷敗以佐王耕事其禘郊也鄭司農云先種
後孰謂之種後種先孰謂之稑王當以種于藉田
舍人以歲時收種稑之種以其王后之春獻種 廩
人大祭祀則共接盛注藉田之收藏於神倉者不以
給小用疏此卽廩人兼掌御廩所藏藉田之收者
詩載芟春藉田而祈社稷箋藉田甸師氏所掌王試
夫耜所耕之田天子千畝諸侯百畝藉之言借也借

民力治之故謂之藉田疏王一耕之而使庶人芸苴終之是借民者謂借此甸師之徒也萬民之業以農爲本五禮之事唯祭爲大以天子之貴親執耒耜所以勸農業也祭之所奉必用己力所以敬明神也周公成王之時耕藉以勸下民臣工嗟嗟保介維莫之春亦又何求如何新畝箋保介車右也月令孟春云云記祭義天子爲藉千畝冕而朱紘躬秉耒諸侯爲藉百畝冕而青紘躬秉耒祭統天子親耕於南郊以其盛盛諸侯耕於東郊注東郊少陽諸侯象也疏王藉田於遠郊藉田並在東南故王言南諸侯

言東 月令孟春天子乃以元日祈穀于上帝乃擇

元辰天子親載耒耜措之于參保介農官之副也之御問

帥三公九卿諸侯大夫躬耕帝藉天子三推三公五

推卿諸侯九推反執簡于大寢三公九卿諸侯大夫

皆御命曰勞酒注謂以上辛郊祭天也春秋傳曰郊

祀后稷以祈農事厥蟄而郊郊而後耕元辰蓋郊後

吉辰也帝藉為天神借民力所治之田也既耕而宴

飲以勞羣臣也大寢路寢正義曰陰陽式法正月亥

為天倉故耕用亥 季秋乃命冢宰舉五穀之要注定其租

稅之藏帝藉之收於神倉祇敬必飭注重桑盛之委

簿

藏祭祀之穀爲神倉

左傳桓十四年八月御廩

注御廩藏公所親耕以奉宗盛之倉也 昭十八年

鄙人藉稻

注君自出耕履行之服虔云耕種於藉田

哀十七年衛藉田

注藉田之圖

穀梁傳甸粟而內

之三宮三宮米而藏之御廩疏諸侯夫人三宮

公羊

傳云美盛委所藏也

白虎通耕於東郊東方少陽

農事始起桑於西郊西方少陰女功所成故曾子問

曰天子耕東田而三反之

周藉禮

周語宣王不藉千畝虢文公諫曰民之大事在農上

帝之桑盛於是乎出故稷爲大官古者大史順時視

土陽暉憤盈土氣震發農祥晨正房星日月底于天廟

管室孟土乃脈發農書曰春土冒振陳先時九日

太史告稷曰自今至于初吉陽氣俱烝土膏其動稷

以告王曰史帥陽官春官以命我司事曰距今九日土

其俱動王其祗祓監農不易王乃使司徒咸戒公卿

百吏庶民司空除壇于藉命農大夫田峻咸戒農用

先時五日瞽告有協風至王卽齊宮王乃涇濯饗醴

及期鬱人薦鬯犧人薦醴王裸鬯饗醴乃行百吏庶

民畢從及藉后稷監之膳夫農正陳藉禮太史贊王

王敬從之王耕一墾

一耜之墾也

王班

三之

下各三其上也

公三卿九大

庶人終于千畝其后稷省功太史監之

司徒省民大師監之畢宰夫陳饗膳宰監之膳夫贊

王王歆大牢班嘗之庶人終食是日也瞽帥音官以

省風土廩于藉東南鍾而藏之

廩御廩一名神倉

而時布之

于農稷則徧戒百姓紀農協功曰陰陽分布震雷出

滯土不備墾辟在司寇乃命其旅曰徇農師一之農

正再之

云云

宗伯九之王則大徇耨穫亦如之民用

莫不震動恪恭于農脩其疆畔日服其鑄不解于時

魯語曰入監九御使潔奉禘郊之粢盛楚語王

后必自春其粢天子親春禘郊之盛 公羊注天子親耕東田千畝諸侯百畝

漢開藉田 親耕禮儀 耕鉅定 弄田

耕上林 藉田令

紀文帝二年春正月丁亥詔曰夫農天下之本也其

開藉田朕親率耕以給宗廟粢盛民謫作縣官及貸

種食未入入未備者皆赦之 應劭曰古者天子耕藉田千畝為天下先藉者

帝王典藉之常也韋昭曰藉借也借民力以治之以

奉宗廟且以勸率天下使務農也臣瓚曰景帝詔

曰朕親耕后親桑為天下先本以躬親為義不得以

假藉為藉也藉謂蹈藉也師古曰瓚說是也國語曰

宣王不藉千畝號文公九月詔曰農者天下之本也

康則藉非假借明矣

民所恃以生也而民或不耕務本而事末故生不遂
朕憂其然故今茲親率羣臣農以勸之其賜天下民
今年田租之半十二年三月詔曰道民之路在於務
本朕躬率天下農十年于今而野不加辟歲一不登
民有飢色是從事焉寡而吏未加務吾詔書數下歲
勸民種植而功未興是吏奉吾詔不勤而勸民不明
也且吾農民甚苦而吏莫之省將何以勸焉其賜農
民今年租稅之半又曰孝悌天下之大順也力田爲
生之本也三老眾民之師也廉吏民之表也朕甚嘉
此二三大夫之行今萬家之縣云無應令其遣使者

勞賜三老孝者帛人五匹悌者力田二匹廉吏二百石以上率百石者三匹及問民所不便安而以戶口率置三老孝悌力田常員各令率其意以道民焉十三年春二月甲寅詔曰朕親率天下農耕以供粢盛皇后親桑以奉祭服其具禮儀六月詔曰農天下之大本務莫大焉今僅身從事而有租稅之賦是本末者無以異也其於勸農之道未備其除田之租稅

景帝後二年四月詔曰朕親耕以奉宗廟粢盛爲天

下先三年正月令郡國勸農桑

武帝策董仲舒曰朕今親耕藉田以爲農

先

武帝征和四年三月上耕于鉅定

應劭曰齊國縣也水經

注作巨淀

昭帝始元元年春二月己亥上耕于勾盾弄

田

應劭曰帝時九歲未能躬耕帝藉鉤盾宦者近舍故往試耕為戲弄也臣瓚曰西京故事弄田在未

央宮中師古曰弄田謂游宴之田天子所戲弄耳非為昭帝年幼創有此名

始元六年春

正月上耕于上林百官表大司農屬官有籍田令

丞

通典宋志漢文帝初立籍田置令丞

食貨志文帝即位躬修儉節

思安百姓時民近戰國背本趨末賈誼說上曰毆民

歸之農皆著於本則蓄積足而民樂上感誼言始開

藉田躬耕以勸百姓禮志郊祀歌元冥六藉歛之

時掩收嘉穀注謂收藉田也東方朔傳爰叔曰顧

成廟遠無宿宮又有荻竹藉田後漢陳忠傳藉田

之耕起於漢文

漢親耕祈農 耕定陶 下邳 懷 藉

田倉

後漢紀明帝永平四年春二月辛亥詔曰朕親耕藉田以祈農事比再得時雨宿麥潤澤其賜公卿半奉

有司勉遵時政務平刑罰

注禮記曰天子親耕于東郊為藉千畝晁而朱紘躬

秉耒耜五經要義曰天子藉田供上帝之粢盛所以先百姓致孝敬也藉蹈也言親自蹈履于田而耕之

十三年春二月帝耕于藉田禮畢賜觀者食十五年

二月癸亥帝耕于下邳 章帝元和二年二月乙丑

帝耕于定陶詔三老孝悌力田賜帛入一疋勉率農

功三年正月辛丑帝耕于懷 禮儀志正月始耕晝
漏上水初納執事告祠先農已享耕時有司請行事
就耕位天子三公九卿諸侯百官以次耕方田種各
耰訖有司告事畢是月令曰郡國守相皆勸民始耕
如儀諸行出入皆鳴鍾皆作樂其有災眚它故若請
雨止雨皆不鳴鍾不作樂注春秋釋痢曰漢家郡守
行大夫禮鼎俎籩豆工歌樂垂何休曰漢家法陳師
置守相故行其樂也賀循藉田儀曰漢耕日以太牢
祭先農於田所春秋傳曰邠人藉稻杜預注曰邠人
藉稻其君自出耕履行之漢舊儀曰春始東耕於藉

田官祠先農先農卽神農炎帝也祠以大牢百官皆

從種百穀萬斛乃立藉田倉置令丞以給祭天地宗

廟羣神粢盛

古爲甸師縣邑常以乙未日祠先農晉志漢儀縣邑以乙日祀先農乃耕於乙

地

黃瓊傳自帝

順帝

卽位不行藉田之禮瓊上疏奏

曰先王制典藉田有日司徒咸戒司空除壇先時五

日有協風之應王卽齊宮享醴載耒重之也書奏從

之東京賦農祥晨正土膏脈起乘鸞輅而駕蒼龍

介馭間而剡耜躬三推於天田修帝藉於千畝供禘

郊之粢盛必致思乎勤已注爲天神借民力於此田

故名帝藉田在國之辰地

藉田賦注引應劭漢官儀曰天子耕於壇舉耒三推

漢官儀天子升壇公卿耕訖嗇夫下種凡稱
藉田爲千畝亦曰帝藉耕藉東耕親耕王藉
輿

服志芝車上親耕所乘注東京賦曰農輿路
輅木賀

循曰漢儀親耕青衣幘

漢藉田歌辭

齊樂志藉田歌辭漢章帝元和元年元武司馬班固
奏用商頌載芟祠先農晉傳元作祀先農先蠶夕牲
歌詩一篇八句迎送神一篇饗社稷先農先聖先蠶
歌詩三篇前一篇十二句中一篇十六句後一篇十
二句辭皆敘田農事胡道安先農饗神詩一篇並八
句樂府相傳舊歌三章永明四年藉田詔江淹造藉

田歌二章付太樂歌之 羽鑾從動金駕時遊率先
丹耦躬遵綠疇瓊竿旣飾繡簋以陳方燮嘉種永毓
宵民

魏耕藉

晉志魏三祖皆親耕闕諸侯百畝之禮

通典同

明帝

大和九年二月辛未耕藉田五年正月耕藉田 繆

襲許昌宮賦大和六年春上旣躬耕帝藉發趾于千

畝以帥先萬國乃命羣牧守相述職班教順陽宣化

是歲甘露降方內豐穰穆乎有太平之風敕義津以

農期儀晨祥而舉趾 曹植藉田論春耕藉田謂郎